

ME HYE ASE WO NYANKOPON NE DZIN MU, ODOMFO, MBOBORHUFO NO.

Fida Nyamesemka: Ebowbira 28, 2013.  
(Friday sermon – 28<sup>th</sup> June, 2013 – Fante Translation)

## **JALSA SALANA (AFENHYIA EHYIADZI) NO BOTAE.**

Hadhrat Khalifatul Masih kaa ne Fida Nyamesemka no fii Germany. Okaa de, Nyankopon N'adom ara German Jalsa Salana no hye ase nde na oboko do ara nda ebiasa. Jalsa Salana kor yi ara so worehye ase wo aman binom mu nde, nkanka USA na Kababir na Ameerfo a wowo dem aman yi mu yi wo pe de wobo hon Jalsa yi ho dawur. Onam de mber a wodze ye Fida Asor wo USA na Kababir nye Germany dze no bo ebira ntsi, Huzur ne kasae a odzi ewie wo Jalsa ne ndansa da nye USA Jalsa n'ewiei no beye per ama wabeka Huzur ne kasae a odzi ewiei na tsirmu mpaabo a otwa ehyiadzi do no.

Jalsa Salana wo amanaman do a woye no mber kor no oma dom a woehyia ho no tsie Fida Nyamesemka wo ne ber no ara mu na onam dem kwan yi do ma nsem a ofi Nyamesem yi mu no du dom kese do. Mbom dom kese noara a wowo Jama'at yi mu tsie dza oroko do wo Jalsa Salana ne ber no ara mu na Huzur dze n'enyi bu de dodow ara mbuei hon kasafir nntsie dza oroko do. Mbom nkorofu a wofi amanaman binom mu a woehyia wo Jalsa Salana no ase no fi mbeambea a mber dzi adanadan naaso wotwe hon adwen ko Fida Nyamesemka no do.

Nde Fida Nyamesemka yi ye nkaakaadze a ofa no Jalsa Salana no botae de mbre Anohoba Mesia (ANN) kyerekyere no. Ohia de yekaaka henho ama dza yedze hen enyiwa esi do ber a Jalsa roko do no, etsim na nsem so a woridzi ho eboobo wo ber no mu no ekyir yi wodze ako nyee do. Iyi gyina ankorankor dza hon enyi tsim do na hon adwen da do ho. Mber yi mu yi nkorofu to ko wiadze nsemansema do kwetsir nhye na ma onnye nhye asorye na dwumadzi bi ho. Nkorofu pii kyere dze kyere nsesa nwanwaso a aba hon abrabo mu na woka de wonya atsenka bi de ndansa da no mu no nna wuhu de wowo wiadze fofor mu na sunsum mu nkenyan hye hon ma wo Jalsa ber no mu. Wototo sere mpaabo de dem tsebea yi betsim ama hon.

Nokwar, Jalsa ber yi wo atsenka na nkorofu dua hon ankorankor gyedzi do nya nkenyan. Nkorofu hon were fir bo a woahe ama Nyankopon wo Jalsa ber no mu no mber tsiabaa a Jalsa ako ewiei no, binom hon dze ye nda kumaa bi na binom so adapem kakra ekyir. Pinarasuo mu dzen wo bosom kakra ntamu. Iyi ye nokwar a ekyingye nnyi mu. Nkorofu kumaabi dze Jalsa ahotsewee mu nkenyan no tsena hon mu mfe pii. Mbom, onam de dodowara hon were fir wo mber tsiabaa mu ntsi, Nyankopon ahye de wonye nkaaka.

Oye Anohoba Mesia (ANN) n'enyimpa de odze Jalsa Salana boboo adze. Obuei hen abobow ma yenya ododow nsakyer na yenya kwan nya sunsum mu nsiesie, eso yenya kwan dzi hen dwuma na ahyedze do. Nde da yi nyamesemka no gyina Jalsa Salana no botae de mbre Anohoba Mesia (ANN) dze too gua no. Anohoba Mesia (ANN) kaa de owo de yetwe akoma ko Ndambankwa do na yenya Nyankopon ho suro. Nyimpa wode oye Zohd (tuhoakye mapa) fasusu, Nyamesuro (Taqwa) ehumbobor, ahohyeddo botooye na anyenkodo. Ahobrase

na nokwardzi wode yeyi kyere na yedze mbodzenbo ye nyamedwuma. Hadhrat Khalifatul Masih kaa de Anohoba Mesia (ANN) ne dem nsentsia yi a okae yi ma Ahmadiyyanyi nokwarfo nkenyandze ma odze bo ne bra. Se yerodwen kasafua 'Zohd' ho a nkye yebohu de odze afotusem kese nam ma se yetsena mu a yebotu bon egu, na yeegyae atsenka hun de obenyin ma ne nsunsuando ewiei de ndzeyeehun nyinara hon mbobow atotow mu. Oda edzi de nyimpa nnkotum atsew noho efi wiadze, mbom apedze a onndzi mu eso onnse mfata a owo wiadze no na owo de nyimpa yi no akwa na obo noho ban fi ho. Se yeredan no aka a, okyere de, se yeennhu Nyankopon N'adwe pii a owo wiadze a nna yeaye etsiafo.

Hadith ka de da kor bi Nkomhyenyi Kronkron (NNN) n'asomfo no kaa de wobedzi mbuada ntoatoado, wonnkowar eso wonnkotwi aben mbasiafo. Nkomhyenyi Kronkron (NNN) buaa hon see hon de, odzii mbuada, oye asor, adae, yee fie edwuma na owar mbasiafo na nyia a oye adze a onye iynom bo ebira no, onnka noho. Okaa de osuro Nyankopon kyen n'asomfo no na ofaa Nyankopon Ne pe do yee n'apedze.

Nokwar Zohd kyere de wiadze akondodze nkotsee na onnyi nyimpa n'adwen mu na nyimpa fa wiadze ndzamba nkakrankakra. Mbom, se wotwe obi ko enyigedze a wiadze Anee afamu dze ma a ono Jalsa Salana ne nkoree ye kwa na onndzi mu so de ebaba Anohoba Mesia (ANN) ne Ba'iat ase. Zohd dze nokwar sunsum a owo Taqwa mu no hye nyimpa mu. Ampaara de, Zohd ne nkyereasee nye de ebohwe yie amma anye biribi a obotwetwe Nyankopon N'ebufuw, demara so na owo de ehwe yie amma anye adze a obeye obi a edo no anaaso wo nyenko yaw. Dem adze yi si wo ber a Nyankopon ho do ye kese sen odo biara, na iyi so woye a oye yie ber a enye Nyankopon wo nkitahodzi na ewo sunsum mu nyimdzii wo No ho.

Anohoba Mesia (ANN) no ama akwankyere pii a oma nyimpa nya dem mpenpendo wo Taqwa mu. Okaa de afotu ye ehiadze papaapa ma Jama'at hon eyiedzi na Nyankopon enyi nngye biribiara ho kwetsir Taqwa. Nyankopon ka de "Ampaara Allah nye hon a honho tsew na wodzi dwumapa wo ho" [\(16:129\)](#). Afotu ntaataado a okodo aber biara no, ber a ereye Ba'iat no yeka de yebobo mbodzen enya Nyankopon ho enyigye na yeabo mbodzen so edzi Ne mbranssem no do na yeaye, osiande se yeammfa annko nyee do a, dza yeka nyinara ye nsem ara keke. Niyimu a yeakyerew no wo sor ho yi kyere Taqwa mu de hon a wodzi dwumapa no wo Taqwa. Ono nye de, hon a woye papa ma nkorofu na wowo nyimdzii na hon nyimdzii no ma wotsena Taqwa mu. Anohoba Mesia (ANN) no twee hen adwen gyinaa Zohd nye Taqwa do na oduaa Nyankopon N'asem no do maa mfatoho a oka de fa woara wo mu atsenka bo afor ma nkorofu.

Anohoba Mesia (ANN) no kaa de oye ehiadze pokyee de ne Jama'at wodze Taqwa to hon mu osiande wodzi nyia o'agye ato no do de Nyankopon na O'asoma no n'ekyir. Dem ntsi de ebaba ne Ba'at mu no nnye adze bi ara kwa osiande odze ato no do de ofi Nyankopon nkyen bae. Okaa de nyimpa hon nsakyeree nam no do beba mu de Nyankopon begye ato mu na ofa Noho so. Iyi bekenyan ndzeyeepe de mbre Kuran Kronkron ye no nhye no.

De obi aye adasamba hon asedze ama hon na owo de oyi adwenbon nye etsim na akam nyinara fi no mu. Na bema w'akoma mu atsew de ahwehwe na beyi mbataho (Shirk) nyinara efi wo mu. Se edze wo ho to wiadze yi do a oyi wo fi Nyankopon nkyen. Se obi ennyi iynom

akwa a onkotum aka de woye Ba'iat a odzi mu wo aber a onnyi nyamesuro. Anohoba Mesia (ANN) no aka de Nyankopon ye Ehumbobor naaso Oye Kokroko. Se Ohu de nkorofu bi ka nsem bi a wommfa nnye edwuma a, ohye No ebufuw.

Huzur boo mpaa de mma yeennya Nyankopon N'ebufuwhyew no ara da na mbom yenhwehwe N'ehumbobor no. Anohoba Mesia (ANN) kyere de tseneneeye gu mu ahorow ebien, dza oye nhye na dza yedze hen pe ye. Dza oye nhye no bi nye de botua Zakat na aye papa, beye bi ama no na besan aye ho papa bio. De beye adoye wo aber a etua Zakat ewiei no. Hon a woye dem no Nyankopon beye hon adamfo, Oye hon nsa nye hon anan ara a ma oba de Obeye hon tekyerema a wodze kasa. Obi benya dem gyinabew yi wo aber a se obi ye no papa a, oye no adoye mbordo. Se obiara ye dem wo asetsena mu a, ono pesemankonya befi hen mu. Mbom dem nkorofu no benya odo na asomdwee wo asetsena mu. Se yeye iyinom wo Nyankopon ntsi a, oma hen ndzenoa wo kwan a obor nyimpa adwen do. Ohia de yebenya dem suban yi.

Owo de yeye asor a onnye nhye no ka dza oye nhye no ho de yedze rohwehwe Nyankopon N'enyigye. Owo de yeye iyinom nyinara wo aber a yennyi botae fofor biara wo ekyir na mbom yedze rohwehwe Nyankopon Nkotoo N'enyigye. Nyankopon enyi nngye asor na aforb a woye no enyido. Nyankopon ka de "Mo boo Jinn na adasamba de wonsom Me" ([51:57](#)). Na otofabi a, dem som yi ara beye dza onam do dze osee ba nkorofu bi do. Obeye obi nwanwa de obeye den na papaye na Nyamesom beye kwan a obese nyimpa bi. Nyiano ara nye de, Nyankopon ahwe de tsenenee biara nngyina Nyamesom do. Nyamesuro nyedua n'aba no wonko kwetsir no asom no. Se Nyamesom amma obi ennya tsema nye tsirimbobor a, nna dwumadzi no ennya no boate. Mfatoho nye de, otofabi a, eduadzewa bi ye few ara ye wo enyido naaso yebepae mu no na woprw anaa no mu aba no nnye papa anaa mpo mbowa edzi anaaso bohu de onnye dew. Owo de yeb a noho ban, onye de yebenya sunsum mu nkitahodzi na yeenna tsema ama adasamba.

Germany Jama'at no tum si asordan anan anaa enum afe biara. Hadhrat Khalifatul Masih buei asordan yi nyinara ano. Okae Jama'at no de hon asodzii dooso ara ye wo ber a wobesi asordan. Nnye de yebesisi asordan ma nkorofu aba mu ara keke, dza ohia nye de no mu mba no benya tsema na odo ama honho honho mma aso hon bron a wotse mu no do. Anohoba Mesia (ANN) no pee de n'asomba benya tsema na ahobrase na odo ama honho honho a obeye fasusu ama nkorofu pii. Hen ntamu odo botwetwe Nyankopon No do aba hen do na o'ama hen nyamesuro na o'ama yeatwe dom aba hen nkyen. Anohoba Mesia (ANN) no boo mpaa de Nyankopon ntsew n'ekyirdzifo no hon akoma mu na ontwe hon mben Ne nkyen na Onyi hon mmfi basabasaye ahorow nyinara ho.

Anohoba Mesia (ANN) ne nsem a yeakenkan no kyere de yentwe hen adwen ngyina ahobrase do. Ahobrase ma nkitahodzipa beda hen ntamu na otwe dom so ben hen. Nyankopon aka de No nkowaapa no nantsew asaase yi do wo ahobrase mu ([25:64](#)). Dem ahobrase yi na otwe hen ben Nyankopon na oma asetsenapa so. Anohoba Mesia (ANN) no san twe adwen gyina do de obiara a odzi perperye do na obiara a odzi tseneneeye ekyir no dzi ndzeyepa nyinara ekyir. Osiande iyi ara nye nyamesuro no. Na ohia de yebhwe ndzamba bi a oma tseneneeye tu kafo. Dem ntsi na Nyankopon atwe hen nokwardzi no wo ber biara na

Ɔ’aka de hom nka kasapa. “O! hom a hom agye ezi, hom nsuro Allah na hom nka kasapa a ɔtsen” (33:71). Huzur kaa de ɔnnkyeree na ɔkasaa faa kasapa ho na ogyinaa Kuran kyefa yi do.

Anohoba Mesia (ANN) no aye no nhye ama hon a wɔba Jalsa Salana no de wɔbɛfa kasapa, nokwardzi na perperye do enya sunsum mu mpontu. Se Ahmadiyyanyi biara no nokwardzi gyinabew kɔ kan a, ɔno hom nsem benya nsunsuandopa na obotum dze hom nsem so apetse akɔ kan. Anohoba Mesia(ANN) ne nkyerekyerɛ no gyina ndzɛmba ebien bi do; de yɛbɛma adasamba ehu Nyankopɔn na wɔakɔ Ne nkyɛn. Ɔtɔdo ebien, de yenye nyimpa bedzi nkitaho de mbre ɔse na ɔfata na yɛdze hon ndzenoa nyinara bɛma hon. Iyinom nyinara nnkeba gyede yenya nsakyerpa wɔ hen ndzeyee mu. Yeronntum ntwe adasamba nkɔ Nyankopɔn ho gyede yenye No wɔ twaka a no mu ye dzen. Yerenntum nsom adasamba gyede yenya ahobrase dobodobo.

Ɔwɔ de yenya ɔdɔ, nokwardzi, korye na afɔrɔ sunsum ansaana yeetum adasamba. Ɔwɔ de yɛdwɛn dem nsem yi ho wɔ nda ebiasa yi mu de mbre ɔbɛma yeetum aye dza Anohoba Mesia (ANN) ɔpɛɛ de yɛbɛye no.

Translated by: 1. Mr. Alhassan Kobina Atta-Wenchie  
(Tutor in English Language, Jamiatul Mubashireen, Ghana)  
2. Maulvi Alhassan Bashir Annan Sahib  
(Tutor, Jamiatul Mubashireen, Ghana)  
3. Mr. Rasheed Possible Essuman Sahib  
(First Year Student, Jamiatul Mubashireen, Ghana)

Downloaded from: [www.jamiatulmubashireen.org](http://www.jamiatulmubashireen.org)  
Cont [www.jamiatulmubashireen.org/contact-usact](http://www.jamiatulmubashireen.org/contact-usact):